

Te Tuna Kōpiko

Ngā Whakamārama:

I ngā wā e tika ana, haere ai a Terewai i te taha o tōna matua ki te hopu tuna. He mīharo ki a ia te āhua o te tuna e takoto kōpiko ana. Ka tuhi pikitia ia o ētahi tuna e toru e takoto kōpiko ana.



Tuna A



Tuna E



Tuna I

Hei Mahi:

- Māu e tuhi pikitia o tētahi tuna e takoto kōpiko ana ki te pepa nui.
- Ki tō titiro, e hia ngā rākau karaka e ūrite ana ki te roa o tō tuna? He aha tō whakatau tata? He aha i pēnā ai ō whakaaro?
- Whakamahia te rākau karaka hei ine i te roa o tō tuna.
- Pēhea nei te tika o tō whakatau tata?

He aha i pātata ai, he aha rānei i kore ai e pātata tō whakatau tata?

- Mēnā ka whakamahia te rākau kahurangi hei ine i tō tuna, ka nui ake, ka ūrite, ka iti ake rānei te inenga? He aha ai?

Nō reira, he roa ake, he iti ake, he pūmau tonu rānei te roa o te tuna?

- Ka inea e Hinetai rāua ko Mihi ā rāua tuna. Koia nei ā rāua inenga:

Hinetai: E 7 rākau karaka te roa o tana tuna.

Mihi: 13 rākau kōwhai te roa o tana tuna.

Ko tēhea te tuna roa ake?

- Titiro ki ngā pikitia a Terewai kei runga nei. Raupapahia ngā tuna mai i te poto ki te roa.